

Lembaran Pendedahan Produk

(Baca Lembaran Pendedahan Produk ini sebelum Anda membuat keputusan untuk membeli Polisi Insurans Kemalangan Diri "Special Occupation" dan Kemalangan Diri Berkelompok "Special Occupation". Pastikan juga Anda telah membaca terma-terma dan syarat-syarat am di dalam kontrak polisi ("Kontrak Polisi").

Disediakan untuk: _____ Tarikh Cetakan: _____

Penyedia Khidmat Kewangan	: Allianz General Insurance Company (Malaysia) Berhad ("Allianz"/"Kami")
Nama Produk	: Kemalangan Diri "Special Occupation" dan Kemalangan Diri Berkelompok "Special Occupation"

1. Apakah produk ini?

Polisi ini menyediakan pampasan sekiranya berlaku kecederaan, hilang upaya atau kematian yang disebabkan oleh keganasan, kemalangan, kesan luaran dan nyata. Polisi ini khusus disediakan melindungi Orang Yang Diinsuranskan terlibat dalam kelas pekerjaan khas.

2. Apakah perlindungan/manfaat yang disediakan?

Polisi ini melindungi:

- (a) Kematian akibat Kemalangan dari RM 10,000 hingga maksimum RM 100,000
- (b) Hilang Upaya Kekal
- (c) Belanja Perubatan

Tambahan:

- (a) Memburu
- (b) Sengatan serangga dan ular
- (c) Menyelam skuba
- (d) Terjunan Bungee

Nota: Sila rujuk kepada keterangan penuh dan manfaat dan skala manfaat dalam kontrak polisi.

Tempoh perlindungan adalah satu (1) tahun. Anda perlu memperbaharui perlindungan insurans anda setiap tahun.

3. Berapakah premium yang saya perlu bayar ?

Bahagian	Faedah	Amount Perlindungan (RM)	Premium (RM)
A	Kematian Akibat Kemalangan	10,000.00	32.00
B	Hilang Upaya Kekal (Skala)		
C	Belanja Perubatan	500.00	23.00
		1,000.00	32.00
		2,000.00	47.00
		3,000.00	60.00
		4,000.00	70.00
		5,000.00	78.00

4. Apakah yuran dan bayaran yang saya perlu bayar?

Jenis	Amaun
Komisen dibayar kepada pengantara insurans (jika ada)	25% daripada premium
Duti Setem	RM10
Cukai Perkhidmatan	8% daripada premium

Nota: Amaun Cukai Perkhidmatan ("CP") di sini mungkin tertakluk kepada perubahan kerana kadar CP yang digunakan hendaklah berdasarkan kadar semasa mengikut undang-undang Malaysia.

5. Apakah terma dan syarat utama yang saya harus ketahui?

(a) Kepentingan Pendedahan

• Kontrak Insurans Pengguna

Menurut Perenggan 5 Jadual 9 di bawah Akta Perkhidmatan Kewangan 2013, sekiranya Anda memohon insurans ini sepenuhnya bagi **tujuan yang tidak berkaitan dengan perdagangan, perniagaan atau profesion Anda**, Anda mempunyai kewajipan mengambil penjagaan munasabah supaya tidak membuat salah nyataan semasa menjawab soalan-soalan di dalam borang cadangan dan/atau semua soalan-soalan yang dikehendaki oleh Allianz dengan penuh dan tepat dan mendedahkan apa-apa perkara lain yang Anda ketahui berkaitan dengan keputusan Kami dalam menerima risiko dan dalam menentukan kadar dan terma yang hendak dipakai, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

• Kontrak Insurans Bukan Pengguna

Menurut Perenggan 4(1) Jadual 9 di bawah Akta Perkhidmatan Kewangan 2013, sekiranya Anda memohon Insurans bagi **tujuan berkaitan dengan perdagangan, perniagaan atau profesion Anda**, Anda mempunyai kewajipan untuk mendedahkan apa-apa perkara yang Anda ketahui sebagai berkaitan dengan keputusan Kami dalam menerima risiko dan dalam menentukan kadar dan terma yang hendak dipakai dan apa-apa perkara yang seorang yang munasabah dalam hal keadaan itu boleh dijangka untuk tahu sebagai berkaitan, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

Kewajipan pendedahan ini bagi Kontrak Insurans Pengguna dan Bukan Pengguna akan berterusan sehingga masa kontrak tersebut dibuat, diubah atau diperbaharui. Anda juga mempunyai kewajipan memaklumkan kepada Kami dengan segera sekiranya pada bila-bila masa, selepas kontrak insurans dibuat, diubah atau diperbaharui dengan pihak Kami, sebarang maklumat yang diberikan adalah tidak tepat atau telah berubah.

(b) **Pekerjaan** – Terdapat pekerjaan-pekerjaan yang tidak dilindungi oleh polisi Kemalangan Diri ini. Sila rujuk senarai bagi pekerjaan-pekerjaan yang perlu dirujuk di dalam Borang Cadangan.

(c) **Tunai Sebelum Perlindungan** (hanya untuk Polisi Individu) – Premium yang kena bayar mestilah dibayar dan diterima oleh Allianz sebelum perlindungan bermula. Insurans ini secara automatik terbatal dan tidak sah jika syarat ini tidak dipatuhi.

(d) **Fasal Warranti Premium (Berkelompok)** – Premium yang kena bayar mestilah dibayar dan diterima oleh Allianz dalam tempoh enam puluh (60) hari polisi/pengendorsan/pembaharuan berkuatkuasa, jika gagal kontrak itu dibatalkan secara automatik.

(e) **Kelayakan** – Orang Yang Diinsuranskan berumur antara enam belas (16) tahun hingga enam puluh (60) tahun. Polisi boleh diperbaharui sehingga umur enam puluh lima (65) tahun.

6. Apakah pengecualian utama di bawah Polisi ini?

Polisi tidak melindungi kematian atau kecederaan disebabkan oleh kejadian-kejadian berikut:

- (a) Perang;
- (b) Tidak siuman, perbuatan membunuh diri atau percubaan untuk melakukannya atau kecederaan diri yang disengajakan;
- (c) Apa-apa jenis penyakit, AIDS
- (d) Pembunuhan atau serangan yang berpunca daripada provokasi
- (e) Melakukan atau cubaan melakukan perbuatan yang menyalahi undang-undang

Nota: Senarai ini tidak lengkap. Sila rujuk pada Kontrak Polisi bagi senarai penuh pengecualian di dalam Polisi ini.

7. Bolehkah saya batalkan Polisi ini?

Anda boleh membatalkan polisi anda dengan memberikan notis bertulis kepada Allianz. Pembatalan akan berkuatkuasa pada tarikh notis diterima atau pada tarikh yang dinyatakan di dalam notis tersebut, mana-mana terkemudian. Setelah pembatalan, sebarang pulangan bayaran premium adalah berdasarkan kepada syarat-syarat yang dinyatakan di dalam kontrak polisi.

8. Apakah yang harus saya lakukan jika terdapat perubahan dalam butiran peribadi saya?

Adalah penting untuk anda memaklumkan kepada pihak kami tentang sebarang perubahan dalam alamat dan butiran peribadi anda untuk memastikan bahawa semua surat-menyurat sampai kepada anda tepat pada masanya. Anda boleh memberitahu ejen berdaftar, cawangan atau khidmat pelanggan kami.

9. Bagaimanakah cara untuk saya membuat tuntutan?

Anda boleh melawati allianz.com.my untuk maklumat lebih lanjut. Anda dinasihatkan untuk menghantar tuntutan Anda (jika ada) kepada Kami secepat mungkin.

10. Di manakah saya boleh dapatkan maklumat dengan lebih terperinci?

Sekiranya anda memerlukan maklumat lanjut mengenai produk ini, sila rujuk kepada allianz.com.my.

Untuk sebarang pertanyaan, hubungi Kami di:

Pusat Khidmat Pelanggan Allianz

Allianz Arena

Ground Floor, Block 2A, Plaza Sentral

Jalan Stesen Sentral 5, Kuala Lumpur Sentral

50470 Kuala Lumpur.

Pusat Hubungan Pelanggan Allianz: 1 300 22 5542

Emel: customer.service@allianz.com.my

  AllianzMalaysia

 allianz.com.my

11. Lain-lain jenis perlindungan Kemalangan Diri yang boleh didapati:

- (a) Kemalangan Diri
- (b) Kemalangan Diri Berkelompok

Nota Penting:

Anda dinasihatkan untuk memberi perhatian mengenai skala manfaat untuk hilang upaya dalam Polisi insurans Anda. Anda mesti menamakan penama dan pastikan penama Anda tahu tentang Polisi kemalangan diri yang telah Anda beli. Anda perlu membaca dan memahami Polisi insurans ini dan berbincang dengan ejen atau hubungi syarikat insurans untuk maklumat lanjut.

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Allianz General Insurance Company (Malaysia) Berhad atau PIDM (layari www.pidm.gov.my).

Informasi yang disediakan dalam lembaran pendedahan ini adalah sah bermula 01/06/2024.